



08-06-2026
Sags nr. 2026 - 8632
Akt. id. 26565630

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

FM2026/149-imut tunngatillugu allakkatigut apeqqutininut akissutit

Naalakkersuisoq apeqqummut nassiunneqartumut qujavoq.

Apeqqut 1: Naalakkersuisut allannguutissatut siunnersuutaanni oqaatigineqarpoq, Naalakkersuisut suliffeqarnermi illuatungeriinnik oqaloqateqarnerit inernerit saqqummiunniarlugit. Naalakkersuisut nassuiaateqarfigisinnaavaat inernerit qanoq saqqummiunneqarnissaat?

Akissut:

Naalakkersuisut naatsorsuutigaat saqqummiussinerup qanoq ittuunissaa suliffeqarnermi illuatungeriinnik oqaloqateqarnerit ingerlanneqartussat inernerisa qanoq ittuunerannit aalajangerneqassasoq. Oqaloqatigiinnerit assersuutigalugu innersuussutinik imaluunniit siunnersuutinik kinguneqarsinnaapput, taakkulu politikkikkut oqallisigineqartussatut saqqummiunneqassapput. Aamma periarfissaavoq aaqjiissutissat imaluunniit suliniutissat suliffeqarnermi illuatungeriit namminneq isumaqatigiissutit atuuttut iluanni ingerlateqqikkusutaannik nassaarineqarnissaat.

Naalakkersuisut isumaqarput suliffeqarnermi illuatungeriinnik oqaloqatigiinnerit siulliullugit ingerlanneqarnissaat pingaaruteqartoq, inernerit qanoq saqqummiunneqarnissaat pillugu aalajangersaaneq sioqqullugu.

Apeqqut 2. Meeqqap ulloq siulleq napparsimaffia pillugu angajoqqaanut sulinngiffeqarsinnaatitaanerup ullunut napparsimaffinnut 5-inut annertusineqarsinnaaneraniq periarfissaq pillugu Naalakkersuisut qanoq isumaqarpat?

Akissut:

Naalakkersuisut naleqquttutut isigaat meeqqap napparsimanerani angajoqqaat sulinngiffeqarsinnaanerisa nukittorsarneqarsinnaanerannik periarfissat oqallisigineqarnissaat, ilanngullugu ulloq napparsimaffik ataaseq ullunut napparsimaffiusunut tallimanut annertusineqarsinnaanera.

Tamatumunnga atatillugu oqaatigineqassaaq aaqjiissuussineq atuuttoq siullertut aatsaat atuummat sulisunut isumaqatigiissutit imaluunniit atorfinitsitaanermut isumaqatigiissutit aqutigalugit taamatut periarfissaqartitaasunut. Sulisut pisortat isumaqatigiissutaasa tunngavigalugit atorfinitsitaasut tamarmik taamatut periarfissaqarput. Namminersorlutik inuussutissarsiuteqartut suliffeqarfiutaanni sulisut taamatut periarfissaqarnerisa annertussusaat suli misissuiffigineqanngilaq.



Aappaattut pingaaruteqarpoq maluginiassallugu aaqqissuussineq sulisumut periarfissiimmat meeqqap ulloq siulleq napparsimaffia sulinngiffeqarfigissallugu aatsaat ulloq taanna suliffiusuuppat aammalu ingerlatsineq tamanna akuerisinnaappagu.

Apeqqutinut taakkununnga atatillugu Aningaasaqarnermut Sulisoqarnermullu Aqutsisoqarfik paasissutissiivoq aqutsisoqarfiup paasinninnera naapertorlugu periarfissamik taassuminnga atuinissamut akuersinngitsoortoqartarnissaa qaqutigoorluinnartoq, immaqaluunniit pisinnaanngingajattoq.

Apeqqutilli pissutsinut tunngavoq sulisunut sulisitsisunullu pingaaruteqartunut, ullumikkullu suliffeqarnermi isumaqatigiissutit, isumaqatigiissuteqarnerit atorfinitsitaanermilu isumaqatigiissutit aqputigalugit maleruagassaqartinneqartunut. Taamaattumik Naalakkersuisut pingaaruteqartippaat suliffeqarnermi illuatungeriinnik pilersaarutaasumik oqaloqatigiinnerit siulliullugit ingerlanneqarnissaat, periarfissap annertusineqarsinnaanerata qanoq kinguneqarsinnaaneraniq sulinermi, aningaasaqarnikkut sulinermilu inatsisilerinikkut paasiniaasoqarnissaa anguniarlugu.

Naalakkersuisut taamaattumillu maannakkut oqaloqatigiinnerit taakku qanoq inernilerneqarnissaat sioqqullugu oqaatigissallugu kissaatiginngilaat, kisianni suliffeqarnermi illuatungeriinnik oqaloqateqarnissaa qilanaaraat, apeqput pillugu sukumiinerusumik isummertoqarnissaa sioqqullugu.

Naalakkersuisut taamaattumillu suliffeqarnermi illuatungeriinnik oqaloqatigiinnerit tulluuttut qilanaaraat, taamaalilluni siunissami suliniutaasinnaasut attuumassuteqartunik oqaloqateqarnikkut aaqqissuunneqarsinnaaqqullugit.

Inussiarnersumik inuulluaqqusillunga


Maritha Broberg